

Granet.

Fis pretz e vera beutatz
ab totz los bos ayys que i so,
m'enqueron de far chanso;
e pus tan gent en suy mandatz,
5 ben deu esser mos chans triatz
de tot cantar, quar chant de la melhor;
doncx ben es dreitz que l'autre trobador
estion tug sotz mi de ben trobar,
pus sobre totz estauc de ben amar.

10 Totz iorns am mielhs desamatz
lieys cuy vuelh mais en perdo
servir qu'autr'ab gazardo;
qu'ieu me tenc per gazardonatz
per lieys, cuy aug dire que'l platz
15 qu'ieu sia sieus, e'm esfortz ab valor
de lieys servir per respieit de s'amor;
e fis amicx, pus es en luec tan car,
ben deu fis ioys de sidons esperar.

Sitot m'estauc trop lonhatz,
20 ades suy en sa preyzo;
et anc hom mais pres no fo,

no volgues esser desliuratz;
mas ab tal liam suy liatz,
quon plus m'estrenh, mil tans m'an de sabor
25 li mal que'm fay, quar de fin pretz la flor
am e dezir, qu'el mon la volc formar
dieus de bontat e de bos ayys ses par.

Lo cors es gras e delgatz,
la car' ab plazen faisso
80 fresqua e vermelh'a razo,
blancha plus que neus *sobre* glatz;
e val mais, a lau dels presatz,
no la'n podon pro lauzar lauzador,
quar qui ben ditz, mielhs creys en sa valor
85 dizen del be, e no's pot comparar
ab son gen cors nulhs laus per mielhs lauzár.

Pus aissi'm suy acordatz,
fassa mi amor o no;
qu'ab fin cor tota sazo
40 crey be que sap ques es vertatz
que per lieys suy turmentatz;
e si'm vol far iauzen, salvan s'onor,
en ioy plazen tornara ma dolor;
e si's n'estrai per sa honor salvar,
45 prenga l'estraire en luec de donar.

41 *Eine Silbe fehlt.*

25 Los mals — 31 neu sus — 35 Dizon — 36 nulh — 40
ques v.